

## Wir san halt a Trio

(G/C-Dur 3/4 gezupft)

Wir san halt a Trio – seid ganz langer Zeit  
mit unsera Musi – do moch ma allen Freud.  
Für euch spiel ma heut auf – bis morgen in da Fruah  
wenn´s gnua hobt´s vom Tanzen – dann geb´n a wir Ruah.

Da Karri und da Luggi – und i bin a dabei,  
des san jo zwoa Verruckti - mit mir sa ma drei.  
Wir warn z´nagst am Volksfest – und dort auf Madl aus,  
uns ging´s jo ned um´s Sauf´n - na des wa uns a Graus.

Die Erste de ma g´sehn ham – hod da Karri glei kassiert  
Da Luggi hod sei Glück – bei da Zensi ausprobiert  
Die hod oba glei „NA“ gsagt – des hat ´n Luggi g´reicht,  
bei der Marie war des leichter – er hod sei Ziel erreicht.

Nur i steh jetzt recht blöd do – den mia is Koane blieb´n  
Es is wohl a so g´scheita – sonst hät i´s übertrieb´n  
So spui i lieba Musi – und p´pfeif auf d´Weibaleit  
denn i wer jo bei jeda – zum heiraten bereit.

Mir san halt a Trio – seid ganz langer Zeit  
mit unsera Musi – do moch ma allen Freud.  
Für euch spiel ma heut auf – bis morgen in da Fruah  
wenn´s gnua hobt´s vom Tanzen – dann geb´n a wir Ruah.

---

31.05.2011 - Komponiert und getextet von Walter Pollak, Flitzing  
<http://www.pollak.de/privat>

Das Stück ist nicht bei der GEMA gemeldet, aber ich behalte mir alle Rechte vor.

---